

Protocol no. 83**Sezzüda da lündeschdi, 13 december 2010, 20.00 – 23.00**

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

Mario Riatsch (tractanda 725) e Jon Curdin Felix (tractanda 725 – 726)

726 720**ALLONTANAMAIN D'IMMUNDIZCHAS****Submissiun – Allontamaint d'immundizchas**

Il schef d'immundizchas orientescha chi gnia surdat da la PEB l'allontanamaint da las immundizchas dals cumüns. Il Cussagl cumünal decida da far bun las actas da submissiun sco propuonü dal schef d'immundizchas e dal manader tecnic.

A Sent daja üna trentina da containers privats ed il temp per tils svödar va a quint da la generalità, quai nun es tenor il Cussagl cumünal invers oters in uorden. Quist service nu sarà plü pussibel da spordscher.

Protocol

Il protocol no. 82 da la sezzüda dals 7 december 2010 vain approvà.

727 021**FABRICA****Rudolf Ringli – Fanestras novas – Surataglia 272**

Il Cussagl cumünal conceda il permiss da fabrica pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica.
2. Taxa da trattamaint: fr. 50.--.

728 790**PLANISAZIUN DAL TERRITORI****Corinne e Bernard Tschalär – Participaziun via da quartier**

Il schef da fabrica orientescha al Cussagl cumünal sur da la dumonda da la famiglia Tschalär scha'l cumün füss pront da surtour üna part dals cuosts da la via da quartier a Archas Sura. Aint il KRG haja nom cha'l cumün as po participar vi dad implants d'avertüra tanter 0 fin 30 % scha la via ha ün tschert interess public. Il schef da fabrica piglia sü contact culs possessuors per reglar las modalitats.

Varia

Il Cussagl cumünal conferma cha cur cha la via da schlittra es preparada esa scumandà da transir da las 11.00 – 13.30 e da las 14.30 – 17.00 dal Hof Vastur infin pro'l Chalet.

L'actuar: